

OSNOVNI SUD

U ZVORNIKU

Na osnovu člana 43. stav 2. tačka ž) i člana 241, 242. i 358. Zakona o krivičnom postupku („Službeni glasnik RS“, br. 53/12, 66/18, 91/17 i 15/21), podižem:

**OPTUŽNICU
sa zahtjevom za izdavanje kaznenog naloga**

protiv:

I. H., rođenog ... godine u ... – grad Z., (...)

što je:

Dana 14.01.2023. godine oko 20,30 sati u mjestu ..., grad Zvornik, a u namjeri da ugrozi tjelesni integritet i spokojstvo svoje vanbračne supruge F. D., zatražio od F. D. 35,00 KM a kako bi vratio dug u prodavnici, pa kada mu je F. D. stavila traženi novac na sto, isti je prišao F. D., svojom desnom rukom uhvatio F. D. za kosu i pesnicom joj zadao više udaraca po glavi i leđima, a zatim je više puta nogom udario u predio leđa i drugih dijelova tijela i istoj nanio tjelesne povrede u vidu nagnječine lijeve tjemene regije, krvni podliv lijevog ramena, krvni podliv stražnje strane ručnog zgloba, krvni podliv prednje strane lijeve potkoljenice, nagnječinu stražnje strane vrata i tačkasta krvarenja desne lopatične regije i na taj način ugrozio tjelesni integritet svoje vanbračne supruge F. D., koja je uspjela da se otme od istog i pobjegne do kuće S. H., pa kada se F. D. ponovo vratila u kuću da uzme svoje lične stvari, vidjela je da je isti, u svojoj kući, zapalio F. D. lične stvari u šporetu, a novac u iznosu od 130,00 KM i 100,00 Eura zadržao za sebe, te je isti rekao F. D.: „kada ubijem tebe, ubiću i sebe“, na koji način je ugrozio F. D. spokojstvo.

dakle, primjenom nasilja ugrozio tjelesni integritet i spokojstvo člana svoje porodice ili porodične zajednice

čime je, počinio krivično djelo –nasilje u porodici ili porodičnoj zajednici iz člana 190. stav 1. Krivičnog zakonika RepublikeSrpske.

[...]

OKRUŽNI JAVNI TUŽILAC

Napomena:

„Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“